



**Broj predmeta:** 13-001794/24  
**Broj akta:** 02-1533ST-0023/24  
**Datum,** 11.9.2024. godine  
**Mjesto,** Brčko

Na osnovu člana 21. Zakona o Vladi Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 27/23 – prečišćeni tekst i 23/24), člana 20. Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, broj: 18/24 - prečišćeni tekst), člana 16. stav (1) tačka g) i člana 31. stavovi (2) i (3) Zakona o izvršenju budžeta Brčko distrikta Bosne i Hercegovine za 2024. godinu („Službeni glasnik Brčko distrikta Bosne i Hercegovine“, broj: 1/24), a u vezi sa Odlukom o utvrđivanju posebnog interesa za finansiranje udruženja penzionera Brčko distrikta Bosne i Hercegovine za 2024. godinu, broj predmeta: 13-001794/24, broj akta: 01.11-0323SR-009/24 od 26. 6. 2024. godine i Odlukom o odobravanju tekuće donacije i usvajanju programa utroška sredstava za finansiranje udruženja penzionera Brčko distrikta Bosne i Hercegovine, broj predmeta: 13-001794/24, broj akta: 01.11-0323SR-020/24 od 4. 9. 2024. godine, šef Odjeljenja za stručne i administrativne poslove o b j a v l j u j e

## **JAVNI POZIV** **ZA PODNOŠENJE ZAHTJEVA ZA DODJELU TEKUĆE DONACIJE ZA UDRUŽENJA** **PENZIONERA BRČKO DISTRIKTA BOSNE I HERCEGOVINE**

### **I.** **Cilj**

Cilj Javnog poziva je finansiranje tekućih troškova kojim će se olakšati rad udruženjima penzionera Brčko distrikta Bosne i Hercegovine te stvoriti adekvatniji uslovi za rad i život članovima udruženja usljed porasta troškova.

### **II.** **Pravo učešća**

Na Javnom pozivu mogu učestvovati udruženja penzionera Brčko distrikta Bosne i Hercegovine koja su opravdala dodijeljena sredstva iz prethodne godine iz budžeta Brčko distrikta Bosne i Hercegovine i za koje se utvrdi da ispunjavaju sve kriterije iz člana III. ovog poziva.

### **III.** **Kriteriji za dodjelu sredstava**

Kriteriji za dodjelu sredstava:

1. da su registrovana, odnosno osnovana najkasnije do 31. 12. 2005. godine;
2. da imaju sjedište u Brčko distriktu Bosne i Hercegovine;
3. da su članovi udruženja korisnici Fonda PIO/MIO Federacije ili Fonda PIO Republike Srpske;
4. da su planovi i aktivnosti udruženja u proteklih deset godina usmjereni na poboljšanje položaja članstva i populacije penzionera;
5. saradnja s institucijama i udruženjima s drugih nivoa vlasti u Bosni i Hercegovini;
6. institucionalna saradnja udruženja s organima Vlasti Brčko distrikta Bosne i Hercegovine u periodu dužem od pet godina.

Kao dokaz za gore navedeno, dostaviti potvrde, godišnji izvještaj o radu, kopije zaključenih ugovora s institucijama, zapisnike i drugu dokumentaciju kojom se dokazuje ispunjenost kriterija za navedene tačke.

#### IV.

##### Spisak neophodne dokumentacije za dodjelu sredstava

Neophodna dokumentacija koju podnosilac zahtjeva prilaže uz zahtjev za dodjelu sredstava:

- a) Zahtjev za dodjelu tekuće donacije (ANEKS I);
- b) kopija aktuelnog izvoda iz sudskog registra, ne stariji od 6 mjeseci;
- c) kopija rješenja o upisu u sudski registar sa spisom ovlaštenih lica za zastupanje subjekta u pravnom prometu;
- d) kopija važećeg statuta;
- e) karton deponovanih potpisa iz banke ili ugovor podnosioca zahtjeva s bankom u kojoj ima otvoren tekući račun;
- f) potpisana i ovjerena izjavu da za istu svrhu i namjenu nije dobio sredstva (ili mu nisu odobrena) ni od jednog budžetskog korisnika u tekućoj godini (ANEKS V);
- g) plan i program rada udruženja (ANEKS II);
- h) finansijski plan za tekuću godinu s jasno definisanim opisom troškova (ANEKS III);
- i) odluka nadležnog organa korisnika sredstava o odobravanju i usvajanju plana i programa rada i finansijskog plana (ANEKS IV);
- j) uvjerenje da porezni obveznik nema dospjelih a neizmirenih poreznih obaveza ili sporazum zaključen s Poreznom upravom o odgođenom plaćanju neizmirenih poreznih obaveza udruženja, ne stariji od 3 mjeseca.

#### V.

##### Finansijski okvir

Sredstva za realizaciju ovog javnog poziva su osigurana Budžetom Brčko distrikta BiH za 2024. godinu na organizacionom kodu 15010001 – Pododjeljenje za podršku MZ, NVO i UG, ekonomski kod: 614300 – Tekuće donacije neprofitnim organizacijama i iznosi **320.000,00 KM** i to:

- „Donacije udruženjima penzionera u svrhu finansiranja tekućih troškova udruženja, a koji se odnose na troškova za obavljanje administrativnih poslova udruženja, režijskih troškova i ostalih troškova neophodnih za rad udruženja nastalih u tekućoj godini“ – 100.000,00 KM;
- „Tekuće donacije udruženjima penzionera u svrhu pomoći članovima udruženja zbog porasta troškova života u tekućoj godini“ – 220.000,00 KM.

#### VI.

##### Način dodjele sredstava

Komisija će, na osnovu podnesenih zahtjeva za dodjelu tekuće donacije (opis programa i finansijski plan) iz člana IV, a u skladu s kriterijima predviđenim članom III. ovog poziva, odlučiti o ispunjenosti uslova i visini sredstava za dodjelu.

#### VII.

##### Vrijeme trajanja javnog poziva

Javni poziv za dostavu zahtjeva za dodjelu tekuće donacije ostaje otvoren **15 dana od dana objavljivanja, zaključno sa 26. 9. 2024. godine** i bit će objavljen na internet stranici Vlade Brčko distrikta BiH [www.vlada.bdcentral.net](http://www.vlada.bdcentral.net).

#### VIII.

##### Način prijavljivanja

Anekse prijave s propratnom dokumentacijom za učešće na Javnom pozivu možete preuzeti na web stranici: [www.vlada.bdcentral.net](http://www.vlada.bdcentral.net).

Prijave za učešće na Javnom pozivu popuniti isključivo u elektronskoj formi i dostaviti u zatvorenoj kovrti, s naznakom: „**ZAHTJEV ZA DODJELU TEKUĆE DONACIJE ZA UDRUŽENJA PENZIONERA – NE OTVARATI, OTVARA KOMISIJA**“. S druge strane kovrte navesti naziv udruženja te prijavu dostaviti Odjeljenju za stručne i administrativne poslove putem pisarnice Vlade

Brčko distrikta BiH ili putem pošte na adresu: **Odjeljenje za stručne i administrativne poslove, Bulevar mira br. 1, Brčko distrikt BiH.**

Za sve potrebne informacije možete se obratiti putem e-maila:

**Nebojša Jokić: [nebojsa.jokic@bdcentral.net](mailto:nebojsa.jokic@bdcentral.net)**

**Amir Karamujić: [amir.karamujic@bdcentral.net](mailto:amir.karamujic@bdcentral.net)**

**Amira Hodžić: [amira.halilovic@bdcentral.net](mailto:amira.halilovic@bdcentral.net) ili na kontakt-telefon: 049/ 220-009.**

**DOSTAVITI:**

1. Za oglasnu ploču,
2. Medijima,
3. Evidenciji,
4. Arhivi.

**ŠEF ODJELJENJA**

**Senad Tufekčić, dipl. psiholog – pedagog**